

疏劄

啓辭

應製文

序

雷淵集
六

雷淵集卷之十一目錄

疏劄

以文衡薦望再違
召命後請罪書

辭右副賓客書

請
收還新資疏

辭刑曹判書疏

辭大司憲疏

乞致仕疏

請
收還新授資秩疏

奉朝賀時

上言史事疏

啓辭

因李宗城疏政院 啓辭

賓廳請從權 啓辭

應製文

漢拜衛綰丞相制 文臣庭試

四門崇祭文

宗廟祈晴祭文

健元後 親祭文

仁顯王后加上 尊號玉冊文

永禧殿 親祭文

永柔縣武侯廟追配鄂王信公紀事碑

闡義昭鑑跋

文正公宋時烈從祀文廟 教書

文正公宋浚吉從祀文廟 教書

先正臣文正公宋時烈文正公宋浚吉從祀文

廟頌 教文

宗廟夏享 親祭文

昌陵丁字閣重建上樑文

慈殿 親賀箋

王世子痘候平復頌 教文

鳩杖銘

奉教撰進本府民隱文

景賢堂宣麻錄跋

明聖王后追上尊號玉冊文

序

贈陳生序

送浮屠義天序

送朴生

師傑

歸忠州序

新編少陵古詩序

溪嶽集序

敏上人詩集序

省齋稿序

送文生尚質序

送林生沆序

贈康從勲序

諺解曹大家女誡七篇序

酌古編序

四時史序

與俞生盛基序

始土人耕桑

無不

生文

生文

生文

生文

生文

生文

生文

生文

生文

雷淵集卷之十一

疏劄

以文衡薦望再違 召命後請罪書

伏以臣於病伏歿歿之中伏承文衡薦望自 大朝
有 命曾未半日 天牌再辱使臣情勢有可以冒
膺者顧何敢逡巡一步遲回一刻哉噫臣之向來所
被人言是何等言也因一圈事而直驅人於循私之
科究其指意之深緊有非一時薄責所可償其罪者
至今追思惶汗沾體即此一事而臣之不敢以前文
衡自處也決矣 朝家之不當以前文衡處臣也審

矣事或有時月稍久義分是怵冒愆於既往趨命於
目今者而若臣則有不可以此自諉焉念臣向來債
職速言專以圈事而今之所命者亦薦事也圈與
薦類也臣雖欲放倒庸隅晏然冒當獨不恤國體
之苟簡當世之譏笑也乎鐵壁在前轉步無路荐
名之下又未免違逋臣罪至此萬戮猶輕茲敢畧陳
短章仰控危懇伏乞睿慈俯賜鑑諒仰稟大朝
收還成命重勘臣慢命之罪以嚴朝綱以安賤
分千萬幸甚

辭右副賓客書

己卯

伏以日月易邁兩 魂殿祥禪已訖伏惟 大小朝
哀慕如初曷其有極天佑 邦家用休垂恤我 大
朝殿下封爵之慶聿回一甲 坤聖世孫受冊之禮
次第告成八域含生忭頌惟均臣性本樸愚情甚危
感前而僨事之咎後而慢 命之罪俱屬罔赦合置
重誅 聖度如天曲賜涵貸南黜既復東謫旋宥薄
示威譴終霽 恩造夫陽和之布非私一物而蠢蠕
之屬如彼偏覆昔聞其言今乃信然隕首剗肝豈足
為謝臣幸荷 天慈甫脫羈管而罰不償罪鬼責隨
至風痺痰暈敗証皆具誠恐一朝溘然永負圖報之

初心牀第旣旣萬念俱息而惟此一事耿然如結矣
不自意 聖朝曠蕩未忍便棄 宮賓華誥駟名

恩旨自天有隕匝日以宣仰惟 德意之隆厚夢想
亦不及此雖臣冥迷寧不知感况伏聞 睿志奮勵
兩筵日闢典學之勤乏於聽聞臣以 甯筵舊物竊
伏默歆每承此報喜而忘食使其疾病情地少有轉
動之勢者即日趨 命一近 耿光固臣大願而今
臣情地之難冒殆甚於疾病之難強每伏思曩日
聖教之嚴重如何其時臣心之悚慄如何雖以日月
之稍久復霑 甄錄之恩臣之為罪固自如也偃息

田廬在分已偉尚何敢憑恃 寵靈委蛇周行以自
取貪榮忘罪之譏也哉商量已熟進身無路而緣臣
虛糜或致講席之曠負此在私心尤極惶悶茲敢畧
入文字仰控危懇伏乞 睿慈俯垂鑑諒將臣見銜
亟行鐫削仍 令選部勿復檢擬以肅顏網以安賤
分不勝幸甚

請 收還新資疏 乙酉

伏以臣於千萬夢想之外伏蒙 恩旨特除臣資憲
大夫知中樞府事臣聞 命震惶仰而感祝 聖恩
俯而循省微分罔知措躬之所也顧臣疾病沉痾之

狀前後猥陳于文字者不止一再而伏蒙 聖慈體
下洞悉其實狀不以瀆撓為罪許解無帶兩任賜以
調理之便天地覆燾之恩父母顧復之慈臣方感戴
罔極惟恐報荅之無地矣今茲 寵擢新命豈臣意
望之所曾到涯分之所可堪乎伏况 辭旨優隆迥
出常例至如高筵初學之將就亶由睿質之粹美
家法之純正臣何寸勞之可紀而垂獎之音輒形
絲綸臣於是愧悚交切益無所容臣固知 聖明特
以簪履舊物猥假 光寵以示記存之意耳第竊伏
念卿班特授是何等異典雖在夙夜陳力之臣猶當

擇其才德俱茂功用素著然後施之而不濫受之而不僭若如臣者本以樗櫟之不材重以蒲柳之先衰積有逋慢失職之罪汔無歷試可錄之績已踐資級尚懼踰濫豈宜復辱簡擢以累聖朝綜理之政也哉揆分量義歷日靡安其不敢冒昧承膺者非但為從前疾痛之難強而已茲敢冒死陳籲干瀆宸嚴伏乞聖慈特垂鑑諒亟收臣新降資秩及見授職名使清朝名器不至輕褻亦令螻蟻微喘獲蒙終始之澤千萬幸甚

辭刑曹判書疏

伏以臣於屏伏呻頓之中祇奉 恩旨授以司寇之任聞 命隕越不省措躬之所也凡臣疾病沉痾不堪供仕之狀已悉於前後文字得蒙 聖慈之下燭臣之偃息牀第保有形骸者莫非吾 君之賜也臣方感祝 洪造之不暇尚何敢以狗馬賤恙每每提溷於 靜攝之中而第伏念本曹職務煩劇不比他司凡厥重囚之滯紆待勘者莫不取平於長官之手其為任之緊且重豈容一日虛糜者而以臣支離昏憤終年跼蹐之身叨據長席專任聽斷則穰曠之罪臣固不敢違而獨不有累於 聖朝綜理之政也哉

此臣所以不避瀆撓之誅冒死申籲不能自己者也
仍竊伏念我 殿下以古聖后倦勤之年憂勞萬幾
日昃不遑凡在大小臣僚疇敢不夙夜奉職思裨勵
精之治而若臣者效蔑奔走罪積逋慢受 恩彌重
而孤 恩轉甚有若全昧義分者然撫躬悚惕生不
如死 天牌之下趨承無計猥控微懇仰首嗚呼伏
乞 聖明曲賜矜察將臣新授職名亟行鐫改使重
務無曠賤分粗安不勝幸甚

辭大司憲疏

丙戌

伏以惟天惟 祖宗眷佑我邦家 聖候漸臻康復

臣民慶忭曷有其極伏願深軫少愈之戒益慎節宣之道用副率土顙祝之情焉仍念臣素患痰疾沉淹於換節之交而適值院直浹朔廷候多日下情憂遑自不覺痛痒之在身勉榮病骸連造候班以為粗伸微悃之地而蹣跚匍匐有愧於班行之間矣不意此際都憲除旨遽下夢想之外間命隕越益不知所以自措也凡臣狗馬賤恙業已聖明之所俯燭頃者秋官之除亦蒙聖慈體下即許恩遍況今所叨係是風憲之首責任之緊重有踰於秋官而乃使癯朽如臣者一任其虛糜則癯曠之罪臣固

不敢違而獨不有累於 聖朝綜理之政也哉目今
痰眩脚攣之症實無自力起動之勢日昨監試之牌
起居之班俱不得趨造罪在逋命誠阻承 候撫躬
悚惕生不如死茲敢干冒鈇鉞仰首鳴呼於 靜攝
之中伏乞 聖明曲垂矜察將臣見帶職名亟行鐫
削俾蒙終始生成之澤仍治臣瀆撓之罪以肅朝綱
不勝幸甚

乞致仕疏

丁亥

伏以陽德方昭邦命維新 聖體康寧日強一日東
宮邸下定省之暇問學日就文義孔彰洽於聽聞

宗社萬年之休億兆蹈舞而如臣衰朽亦自幸須臾
無死得見無疆之慶也臣竊有區區祈懇而所懇者
即禮之常經國之舊典而聖上之所嘗許於諸臣
者也敢依古人引年之例瀝血控籲冀蒙 照察焉
臣本以庸魯之姿何嘗有志當世而只緣親老家貧
應舉從宦謬通朝籍過蒙 恩造濫躋卿班榮及父
母此豈臣所能自致蓋其半生所蒙莫非 天地成
育之仁也夫開柝之賤猶思效職蛇雀之微尚懷酬
恩臣雖不肖豈不思隨分報答之圖而才乏經務智
昧需世屢被器使動輒僨躋加之近歲以來積困沉

病經年閏時作一支離有官則迭增尸素之愧有名
則常犯違逋之科義分鄙虧合彼重誅而伏蒙 聖
明至仁體下矜察其衰病實狀而猶以簪履舊物未
忍終棄 寵以隆秩優以閒局俾便調息之地臣之
息偃牀第保有形骸者亦莫非 天地覆燾之恩也
每竊伏念受 恩如彼而孤 恩如此雖 聖朝寬
大輒加包容在臣私義何敢以偉免譴何為常而施
施自安而已乎古之人臣愚不勝任則退病不堪事
則退臣之宜退固已久矣第以立朝以來無寸勞自
效而遽陳休退之請誠有悚慙不敢者虛縻朝銜迭

竊廩食在算至今日而擣櫟之年恰滿七十矣夫七十而致事聖人之明訓臣子之大防假使臣薄有才能無他疾恙及今當止之年猶當以禮退之况乃隻鴈去來不足多少於廣朝而病駑之齒正及稅鞅之期者乎伏惟我 殿下風勵一世養以廉節曲察群情有願必遂倘蒙 容光之照俯燭肝膈之悃及此餘生 特賜殘骸使得自附經義粗伸私分則在聖上為終始之惠在微臣為桑榆之收造化生成之澤非臣糜粉所可報其萬一矣哀情所迫煩瀆至此臣死罪伏乞 聖慈恕其僭猥而即降 俞音千

萬幸甚

請 收還新授資秩疏

奉朝賀時

伏以臣於客冬從諸耆臣後昵侍於 靈閣既叨進
爵之列又蒙 賜酒之恩此身今日之榮死且無憾
矣 法駕才旋 恩旨繼降崇班 寵命混及於已
退之賤臣 恩出常格 寵踰私分惶感悚惕靡所
措躬即以短章猥陳必辭之義而見阻喉院未徹
宸覽方擬復申前懇而適會家患彌月証涉拘忌不
敢為文字煩瀆之計至於推榮一事臣初不知有前
例矣最後銓曹吏以庚辰定式 傳教來示將臣兩

世 贈誥今十六日政安 寶來宣矣繼伏聞再昨

常叅時大僚以 贈典之直為舉行至請銓堂之重

推臣聞來不勝驚惶尋見其時奏語之出朝紙者始

知日前大僚以致仕臣推恩之有違法意有所陳白

而特以不一舉條故該曹未及聞知有此依例舉行

臣亦漠然聾瞽徑受 恩誥晏然若無事者私心之

惡感不安歷日靡定不敢以事過而少弛也大抵致

仕人之 特許推恩作為定式者亶出 聖上推廣

孝理之德恩大僚非不思仰體 聖旨而所以如此

者似亦由於慎惜官方之意然與其靳重於推及父

母之恩典曷若難慎於退臣格外之資級乎仍伏念
聖明既許臣休致則便一納誥之身其不宜遽藉
寵光冒玷 恩資自此於朝廷夙夜之臣者其義較
然何待臣畢辭而有所 俯察也伏乞 聖慈特推
體下之仁將臣新授資級亟行 收還則推恩與否
自在不論惟臣之私義亦得以少安矣臣無任云云

上言史事疏

未果上
○壬辰

伏以臣少時得見李玄錫所編明史紀元止於 崇
禎弘光以降附見編外下此僭國竊嘗痛之以為是
書不作可也輒敢忘其僭猥私纂一書而初非自附

於修史只著華夷消長帝統存亡之跡而已疾病連
年不得尋檢棄置塵篋亦且累十年矣及今新史開
局後有以臣書誤徹天聽者始命以叅校終
命以刊行臣於是隕越悸恐不知斷爛小衮未脫箱
篋其合用與不合用諸臣何從知之而遽有此言聞
耶此特臣書曾未一經淵鑑而左右之言先入故
耳臣書實未足以應聖上之頒而為當世之用也
方欲以文字備陳愚見冀還成命疏未上而書果
入則未竟一二策而雷威已動矣古者異端之書
惑世傷教者投諸水火永絕根本今臣之書既被其

律矣則臣之罪又何可勝言哉伏荷 聖度優容畢
竟薄勘不足以償罪曾未時月輒蒙 收叙仍賜
召對於卧内此固非 殿下霜雪之教日月之臨而
謂臣孽雖自作心有可恕也恩覆如天感戴無極雖
然因此一事頗聞史局執筆之臣懲前顧後拘掣多
端果如是殊非 特教編摩之意臣竊惜之臣甫以
史事獲譴而又發口言得失極知狂妄心有所畜不
敢自隱惟 聖明財察臣竊有聞於先民之志曰天
道不以陰盛而不生其陽人道不以勢窮而不立其
義此匪風下泉所以見取於聖人也西銘曰大君者

吾父母宗子也今有宗子為猾奴所滅而宗子之子
孫逃難四方僅樹門戶有宗廟焉有臣民焉是亦宗
子而已是亦大君而已雖力有不敵勢有所壓不克
盡其朝聘之誠捍衛之忠乃其義則不可一飯而忘
者也二百年來先王先正一心秉執常恐失墜者
則此義而已宋末帝昺盡失其天下寄生於崖海舟
中而天子之名固自如也後來修史者不得不以帝
統予之伏况弘光已下三皇俱以高皇帝後裔
神宗之親孫當毅皇殉社之初為先朝遺臣所
擁戴立國於一隅傳世至三而一時忠義之徒悉奉

其正朔世無明史則已如有之 崇禎後帝統不歸
於 三皇當誰之屬乎屈義圖存一國之權正名尊
統天下之經也既曰天下之經不可以一國之權而
遂掩之也明矣伏聞史局之役垂訖而 三皇時事
驟從李玄錫謬例并為附錄是真以僭國待之而絕
之于明也其視春秋存亡國繼絕世之義何如也或
者曰斯義也當世之所不行姑且為附編耳不害其
為皇統也是大不然帝王傳序昭穆秩如以皇皇嫡
承而貳之於原史之外從而為之辭曰不害其為皇
統是滿後世之惑也且聖人之作春秋朱子之修綱

目皆將以示天下萬世大法而已未嘗汲汲於行世
臣亦謂今茲纂史當志於垂後不當志於行今也孔
子曰夏禮吾能言之杞不足徵也殷禮吾能言之宋
不足徵也蓋傷之也臣竊計今天下萬國獨青丘一
域為大明之杞宋後有王者作欲徵 皇朝之始終
必將於我乎取之興衰之幾正偽之辨恐不當鹵莽
如是也伏願 聖明深留三思明詔修史之臣一用
宋史德祐帝已下義例以明大一統之旨而金匱石
室藏之名山以俟夫百世至若十六代文獻制度自
有正史百餘卷在秘閣凡有考論不藉是書而足矣

凡臣所陳係關史體須至躬造前席口奏取 旨者
素患脚痿耳聾已成痼廢文階周旋 天語承受俱
非可強而為者輒入文字敢貢愚淺臣尤惶恐死罪
啓辭

因李宗城疏政院

啓辭

戊辰

即者大司憲李宗城上疏到院而觀其措語萬萬謬
妄夫合辭之論何等嚴重而身居臺憲之長肆然為
營護之計至以體國之誠事君之節極口褒詡反以
懲討之論歸之於周羅傳會人之放恣無嚴胡至此
極噫嘻兩人之罪係關 宗社苟知君臣之義者宜

不敢以徧私阿好之情有所容藉於其間而乃敢挺身立幟角勝大論公言顯訟無復顧畏人心之陷溺民彝之數絕一至於此方來之憂亦何所不有哉臣等職忝出納目覩變怪駭憤之極不敢循例捧入竊附院中故規敢陳愚見伏望 聖上明賜處分以尊朝廷以嚴隄防焉

賓廳請從權

啓辭 丁丑

伏以日月不居 大行慈聖殿下擯殯既成方內受服若喪之慟終天無極伏惟 聖情哀慕靡所逮及何可堪處臣雖在奔走號泣之中竊有焦遑慄惕小

大同情不敢不疾籲者茲用齊聲以祈垂察焉惟
我殿下暮境勤政憂勞民事數年以來殆少康
豫之日而今於浹月侍湯之餘奄罹憂苦診
候論藥之節頓然中輟疏素糜粥之屬亦且罕進雖
孝思罔極不自覺其大損榮衛臣等聞於前席仰
瞻深墨之容心如焚灼寧欲無生嗚呼親喪自盡
不係於疏節孝子達權無詭乎經訓故禮曰六十不
毀又曰七十食肉又曰疾病有薑桂之滋雖匹夫之
微尚且如此矧殿下受祖宗之托為神人之主
寶筮踰耆玉體欠寧烏可自輕其身以循徑情之

行而貽必至之悔也哉考諸古禮則聖人之所深戒
稽之國典則先君之所嘗行此在淵衷固已瞭然
者也何待臣等之煩陳而所大憂悶者以殿下氣
力之賁億脾胃之脆弱蔬食水飲決非一日之所堪
而蔽於至情膠守無變終底於迫近難言之憂則豈
不有歉於帝王之大孝乎且殿下試思我慈聖
當殿下違豫之時其焦遑憂悴願嘗如何殿下
一飯慈聖乃為之加餐慈聖有命殿下未敢
不勉進及今音容雖闕陟降不遠倘或俯鑑
我殿下毀瘠柴削之形其眷顧怵惕又當如何

言之至此益切摧隕于中而區區所願祝者 殿下
平日以 慈聖之心為心尚庶幾抑情自護以少慰
在天之靈耳然則今日 聖上所以仰體 遺旨者
莫先乎 聖躬之保蓄保蓄之道莫急於 勉復常
膳伏願 俯循群情亟從權制不勝大幸

應製文

漢拜衛綰丞相制

文臣庭試
○甲子

擇相圖理群臣疇若予邦家簡賢亮工舉朝莫如卿
忠謹蓋茲登庸之意爰自知遇之初惟卿斷無他腸
皤然遺老記昔辭宴之日灼見卿心故於參乘之辰

薄示朕眷惟其一心醇謹可作百僚儀刑茲授卿丞
相卿其處槐列而敷功克體和羹之望代桃侯而贊
化毋貽覆餗之譏願賜劔尚不毀傷况朕命豈敢怠
棄茲揚寵制佇賴弘猷

四門崇祭文

洞洞予心憂在粒民昔嘆今滯病稼則均無稼胡民
匪民曷國瞻仰昊天靡遑五食繁雨之初寔賴神賜
既潤既滋庶幾穡事云胡寢震轉甘為苦淋浪浹月
如決如注高塍沙覆平疇波墊秧移即漂穗發旋浸
田夫輟鋤繞壠躑躅曰今不晴野將無穫冥禱莫應

所愧諒德回瘳為蘇舍神何瀆一雨一晴神實司權
其哀不哀民命攸懸罄我菲誠申薦牲醴尚冀冥佑
劃賜開霽

宗廟祈晴祭文

眇予寡德叨承丕緒以先王心勞我蒸庶民之有
今寔賴先靈凡有疾痛曷敢緩聲吁嗟茲歲雨暘
弗若暎傷乍蘇澇損旋酷崩疇決澮漂穗縱橫一曦
九霽遂浹三庾人畜既渰室堵亦圯不遑謀夕矧敢
望歲靜思厥咎靡甘玉食禱祈罔效淋浪猶昨洋洋
降監想亦興悽豈曰小子可哀遺黎其雨其晴冥佑

是賴敢忘前祝尚冀終惠

健元陵

親祭文

癸酉

我祖受命

明祖壬申

命之不顯展我文人巍

乎功烈燦厥藝章

燕翼有謨啓佑無疆藐予小子

竊寐淵冰永懷丕圖何德克承撫茲少康式藉餘庥

粵自

龍飛舊甲六周昨秋興感矧予暎境

真幘

肅瞻寸忱曷罄瞻言松梓霜露又零

南殿餘慕來

拜

園塋山紆水長佳氣葱鬱

陟降不遐一心對

越勦業維艱守成弗易歷年滋多休恤在是凡我遺

黎昔所撫字豈無疾苦尚冀

陰庇百世之思敬將

牲醴假斯綏斯俯仰有儼

仁顯王后加上尊號玉冊文

恭以揚先烈於裕昆恭進顯冊追遺徽於配

聖齊薦休稱物采載陳情文允叶恭惟皇妣孝敬

懿烈貞穆仁顯王后稟姿淵懿秉德和貞襲嘉

訓於內外法家六宮之頌夙播配令範於古先哲

妃二南之化均覃荷太母賢婦之褒肇舉見廟

之禮承寧考良佐之諭再正主壺之儀陰教

永垂於宮闈協裨貽後之烈仁聞傍洽於區域賴

致綿祚之休嗟小子逮侍於昔年而徽音尚儼於

今日稚齡愉色幾被撫頂之恩
曠境感懷難諉在
耳之訓瞻 玄隧之同兆
孺慕倍切於羹牆仰彤管
之齊徽 慈範思闡於琬琰
一泐為衆美之本母姒
之柔則可徵惟聖稱大德
之名女堯之遺烈采著茲
稽彝典庸伸忱誠謹遣臣
議政府領議政奎在魯奉
冊寶加上 尊號曰
淵聖伏惟誕垂 明臨 俯膺
隆賁有是名有是寶並乾坤
而無窮降之福降之祥
衍本支而彌遠

永禧殿

親祭文

甲戌

真宮奕奕

寶幘煌煌

四聖臨予有儼

黼裳肅

瞻容光宛承 警效永懷 至德曷罄摹繪 文
祖應運樹業宏達 光廟靖邦基命宥密於休 章
陵啓 聖綿祚丕顯 寧考光前裕後 真遊云邈
令聞無竟 寶龕聯序睟彩交暎瞻依孔邇 陟降
如在展獻維時有恪靡懈况違茲歲攀慕深元朝
祇覲少伸愴忱節屆天中蠲饗斯將豈其無攝莫如
我躬焄蒿載升鉶爵既班羹牆猶覩矧邇 威顏於
昭在上有誠必通尚冀 明臨俯格微衷

永柔縣武侯廟追配鄂王信公紀事碑

維 聖上二十有六年庚午春 上臨筵下教若曰

永清縣之廟武侯維其山之名卧龍也而聖祖因以思其人也鄂王之配永清廟維其忠之似武侯也而聖考所以勵乎世也予惟信國文公痛帝社之將沉仗義旅而獨奮蹈死愈厲與國俱殞智力之所不及天耳乃其心武侯鄂王之心也其以信公服食鄂王之下於典不僭且以述先王之事也禮臣道臣承命祇若卜日之良既躋以饗武侯鄂王原有遺像在廟至是又摹信公像而并揭之上自為文近臣臨讀西土之士相告忤躍曰大忠之祀在天下我西土得事其上之不鄙我西土而勸之也有

道矣其敢不勗旣而 上又教曰所以廟武侯者旣
有碑矣維鄂王之事石具而未文殆有待於今歟其
令詞臣并與信公之所以配者而撰次之以刻示來
者於是 命臣有容臣竊伏惟 國家為理以風
化為首 聖神相繼率是道無替忠罔不報義罔不
旌推而至異世之臣去今千百載之遠而獲紀於邦
內者蓋未可一二數而如今之為 聖旨所寓尤為
深遠有未易以言語盡者臣故曰入是廟而仰而覲
其容俯而思其所遇之世與所齎之志所秉之義而
躍然有興於心作於氣然後始可窺 聖人教化之

臨矣夫然則奚西土之人之為勸已哉將舉國而觀
焉又將舉天下而勸焉請拱手以俟銘曰

有跂祠宮卧龍之丘云誰之享維漢武侯孰其配之
鄂王信公配之維何寔配其忠鄂王初起宋社既南
痛深主辱志決身殲威靈外聳韜畫內殫中土日闢
北轅將還三字獄成萬里城壞孰執彼讒豺虎以饒
信公之世帝在舟中捧詔雪涕矢心皇穹一旅勤王
成敗維天間關海嶠衝冒穹輶三年雪窖一死有地
所學何事義盡仁至相維純忠孰如二臣論世考履
維葛與倫斥和有表正氣有詩流傳百世如讀出師

肆我 文考覽史興咨亦粵 聖后撫像紆思申舉
愍章饗以邇俎何所無神必茲西土三人一心異世
同歸英靈相感肱饗如期風聲攸暨瘡痍亦起山磨
水竭曠慕何已曰此秉彝維性之根賦予者天扶植
者君既賦既植曷不勸忠百爾君子視此刻銘

闡義昭鑑跋

乙亥

是書何為而作也懲亂賊正倫綱而作也罪人斯得
天討既行宜若無待乎是書者然此賊通天之惡專
在於兇言之相譸張也妖孽之相糾結也能明其譸
張之跡糾結之情從流而溯源探微而究顯使天下

之人舉知亂賊之無所逃倫綱之終不泯則簡編之
功實與鉄鉞并行信乎書之不可已也書共四編起
自辛丑迄于乙亥垂四十年而中間亂逆之作凡六
七矣梟鵩以惡音相應而所噓吸者一腸肚也魑魅
以陰氣相聚而所呼嘯者一窩窟也可畏非天謂可
以誥之可愛非君謂可以誣之既誣我 聖躬以及
我 東朝暨 景廟陰相傳述式至于茲其興訛也
轉憯其煽亂也愈棘而天經民彝殆乎其墜地矣嗚
呼我 三聖深仁至德億兆咸戴獨何負於此賊而
肆行誣逼必欲逞其兇圖者豈一朝一夕之故哉蓋

此一種悖義之徒粵自先朝失志蓄怨欲一售其
禍心者厥有素矣迨夫景廟遵遺旨奉慈教
儲位一定國勢永固則謀所以危動之者不一其
方而授受光明無間可投則乃敢捏造至不道之
說誑惑群不逞之輩自生枝葉階禍至今噫嘻痛矣
是豈一國臣民之讎哉實萬世共討之賊也幸賴我
聖上孝友之德字格于上祖宗陟降之靈鑑臨于
下陰謀所萌鬼得以覺之醜類所萃天得以蒐之舊
逆新兇咸伏典章而今又著其刑名刊之編冊使天
下後世人得以誅之臣綱由是益闡邦命由是益

鞏於乎休哉天道之不可誣也如是夫書既成以臣
曾忝館閣也俾撰跋尾之文臣辭不獲命敢為之
說如右若乃纂輯義例悉稟聖裁芟煩就約而諸
賤斷律者外并勿書云爾

文正公宋時烈從祀文廟教書

王若曰人君之表章斯學所以正士趨聖廟之陞躋
前賢所以明道統而世教豈曰少補矧國論咸歸大
同惟卿得賢為師信道不惑惟淵源深故門路正上
接石潭之嫡傳以豪傑姿有臨履功一準考亭之模
範力探閩洛之微奧洞見大道之原志挽唐虞之熙

皞蓋得聖人之任故魚水契合之盛自 龍潛知遇
之初謂扶植綱常莫若明尊周之義謂內外修攘必
也先格君之心貂裘擬遼薊之寒尚想奮發之大志
鳳詔緘雨露之澤暗契密勿之深猷際五百必興之
期治教丕闡於彛則有千萬吾往之勇操履不渝於
險夷日星耀九衢之昏山斗均四海之仰闢諛辭而
正邦禮質諸古而無疑尊師道而勵士風到于今而
受賜年彌高而德彌邵 三朝之典刑獨存退則易
而進則難一世之汙隆是卜英才樂育大儒繼起於
門牆宏範昭垂後學咸囿於陶鑄矣但一邦之誦法

允宜百代之師宗院額特揭於華陽 御墨動璀璨
之色廟享未遑於此日士林激抑鬱之情始也三紀
之請斬俞蓋緣慎重之意今焉八路之論歸正詎緩
崇報之章是謂國人曰賢果然大德必祀茲以卿從
祀于文廟之庶班序有秩統緒愈明暨同德而并躋
况襲蘭室之臭瞻賢師而孔邇宛侍杏壇之遊仰景
行而興懷幾恨九原之難作就私祠而錫奠仍命永
世之不祧徽盛德孰與此焉而縉儀若待今者於戲
庸培一國之元氣俾聳多士之觀瞻典禮莫盛於豆
籩孰無矜式之志型範不泯於衣鉢佇見作新之休

故茲教示想宜知悉

文正公宋浚吉從祀文廟 教書

王若曰惟天篤生真儒式贊休明之教大德必得常
紀聿舉崇報之章茲循僉同之論庸示尊尚之意仰
惟 列聖尤重斯文褒崇先賢為多士誦法之地表
章正學盡一世作新之方猗文教之旁流有哲人之
輩出惟卿早歲志道大賢為師資稟最高藹然天理
明而人欲淨門路既正卓乎大本立而妙用行湛索
乎洙泗閩洛之緒餘多昔賢之未發剖析乎天人性
命之微奧質前聖而無疑當 聖祖側席之辰膺丘

困束帛之禮講說屢感於天聽溫諄范淳夫之釋
經謨猷動合於時宜剴切陸內相之論事國耻莫雪
於事葛無一日忍忘痛寃家計專在於尊周雖萬言
不出修攘禮學之以範俗垂世必自修身正道之以
開淫距諛豈曰好辯惟道之所被也廣亦歿而不亡
者存天若假年底興孔明之禮樂士多薰德孰傳紫
陽之衣書朝家之貤贈雖隆猶未盡闡學之道鄉社
之裡祀殆遍尚有歎彰德之方肆文廟從享之論即
舉國共公之議三紀之請斬允雖緣慎重之規八路
之籲齊聲寧孤願望之意瞻寶墨於興院褒尚學

自先朝薦華邁於泮宮崇奉若待是日禮則然矣
祭在斯歟茲以卿從祀于文廟之應位亞賢師躋同
道友瞻焉孔邇悅接弄月之胸懷德必有隣宛對立
雪之氣像念世教之扶植幾切不同時之歎侈家祠
之茆茨爰仍勿遽主之禮於戲士風賴而不振國脉
由是益綿餘韻尚存孰無觀感之志景行斯仰佇期
作興之休故茲教示想宜知悉

先正臣文正公宋時烈文正公宋浚吉從祀文
廟頒教文

王若曰生多士以寧文王菁莪洽累朝之化尊兩

賢以從夫子俎豆采一國之論茲揚十行之絲綸俾
聳四方之瞻聽予惟世教之扶植亶在吾道之表章
象前哲繼開之功克盡褒隆之典啓後學矜式之地
丕闡作興之休猗 聖祖誕敷文治而大賢并生一
世有若先正文正公宋時烈辟立氣像海涵胸懷門
路正而淵源深至訓早襲於函丈規模大而文理密
成法一準於考亭閎陰陽消長之機素履不渝於夷
險任春秋尊攘之義寸心獨炳於綱常托明良之契
則堯舜君民處賓師之尊則伊呂伯仲經綸不外於
斯學洞然王伯之分典禮折中於諸家廓如波濤之

闢教誨不倦於牖後大儒受深衣之傳統緒益光於
紹前舉世寓高山之仰才則王者之佐學為聖人之
廷亦粵先正文正公宋浚吉陋巷春生灋溪月霽資
質若金精玉潤士林咸推以師出處如麟見鳳藏嬪
孺亦知為瑞復雪自成家計宗黨得同德之賢講說
如誦已言賓席盡沃心之責粹然一團氣和處展也
九分人地頭敦禮範俗實本於修齊澤流後世閑邪
衛道式資於窮格功大斯文安定之四條誨人才各
臻於成就涑水之一誠律已用不盡於平生是謂命
世之姿無愧升堂之列嗚呼河南兩程之出際宋德

之休明洛閩一派之傳賴周學之真的誦其書論其
世知古今之相符生同時道同師亦天意之非偶蓋
其克實光輝之美有非言語文字所殫造詣俱極於
高明博以文而約以禮功化不泯於久遠生也榮而
死也哀 朝家之貤贈雖隆不過褒賢之常典鄉社
之裡祀殆遍曷稱慕德之深誠肆有賢關之連章乃
請聖廟之躋享一俞之靳已經三紀始出慎重之思
公議之定不待百年今見僉同之籲 寶墨耀院宇
之揭尊尚粵自 先朝華邁儼庠廡之陳崇奉若待
是日鼓舞一方之由北主張斯道之在予茲於本月

十四日以文正公宋時烈文正公宋浚吉從祀于文
廟東西廡於戲禮儀盛而月星明班序秩而衿紳聳
大德必得祀孰無觀感之心流風尚有存庶見作新
之化故茲教示想宜知悉

宗廟夏享 親祭文

清廟於穆 祖考攸位德以世觀精以享萃小子忝
嗣大事在祭敢曰著存一誠匪懈徂序維夏既戒福
衡憧憧我心寤寐 祠庭盛我冕黼潔我豆籩綏厥
思成式禮罔愆百爾顯相曷不肅雖於昭在上有誠
必通既右享之 陟降寧止燕及群黎承我蠲饎屏

其蓄沴釐以豐年匪敢徼福哀此顛連俛焉如企瞻
言若臨寸心對越庶幾顧歆

昌陵丁字閣重建上樑文

司燿告警俄驚秘殿之鬱攸將作鳩工旋覩新構
之輪奐其成不日庶懌在天恭惟睿宗襄悼大
王至德難名大孝因性治績禹績慶邦命之維新疾
崇滕廬悲帝齡之不與一年遺澤尚經率土之思萬
世崇岡長瞻虛殿之設仍隆媯幄之紉庸倣漢廟
之規寒食開門芡芡之薦如在寶衣藏寢羹牆之
慕斯憑扃祀肅清式嚴早夜之警衛棟宇曼碩寧虞

風雨之撓傾不意畢方之告災奄見周榭之延燎雖
皇穹嘿相烱烱罔通於封塋而回祿所經黔赭殆
遍於甄礎惟我聖上載震載惕乃經乃營身不遑
於寧居聿避正殿禮則宜於改葺造卜吉辰誠深奉
先奚恤國儲之稍絀貫惟仍舊不至民力之重煩子
來之功甫完丁字之制已屹壽丘之龍虎彌壯鬼乎
松楠之爭高敬寢之麟馬相望依然萼樓之聯武
時薦籩俎維新灑掃之儀月出衣冠依舊瞻依之所
恭陳善頌助舉脩禱

兕郎偉拋樑東繡棟先迎朝旭紅日下常瞻雲五色

漢宮佳氣接慈蘿

兜郎偉拋樑西野色蒼茫望不迷
向夜玲瓏生薄影
簾櫳窈窕月初低

兜郎偉拋樑南點點遙岑露翠嵐
澄江一帶流無極
應共當年 睿澤涵

兜郎偉拋樑北金爵觚稜連斗極
衆星錯落繞宸居
廟貌千秋瞻翼翼

兜郎偉拋樑上玉欄花發駐仙仗
汗漫 真遊不
可攀一誠對越 神來饗

兜郎偉拋樑下苑樹漙漙甘露瀉
曾聞孝感致祥烏

不忍林間聽啞啞

伏願上樑之後地靈陰扶天休滋至孝孫有慶介眉
壽於萬年前王不忘綿血食於百世

慈殿親賀箋

東朝奉歡慶寶筵之滿七南極騰彩頌繁嘏於呼
千喜懼之辰舞蹈何已恭惟慈聖殿下德邁母姒
聖符女堯布陰化於慈天聿享海屋之遐筵體微
誠於愛日屢膺泥牒之徽稱仍推饗老之深仁

特循進賀之至懇暨耆髦而獻眉壽之祝奚但君臣
間同歡奉慈顏於過耳順之年蓋亦帝王家罕有

瞻長樂而抃手稽往乘而增光伏念臣志以養親
言不稱老承訓四紀幾荷燾載之仁問寢三朝佇
彈婉孌之樂

王世子痘候平復頌

教文

遇提學此文不用

王若曰八域戴主鬯之重予惟無憂貳極奏勿藥之
功痘亦有聖肆颺浚汗之誥庸布歡慶之懷念寡昧
晚有元良而仁孝夙著令聞自頃歲代理機務每軫
冲齡之積勞矧壯年未經胞瘡幾切中心之隱憂乃
者榮衛之感遂發醜豆之形宮闈非不深嚴既流行
之難遏疾病非不謹慎奈潛違之莫防雖神明之護

持百全可保伊夙宵之戒慄十起靡寧何幸自天申
休聿見不日乃復終始顯色之叶吉甫一旬而收功
次第膿脹之無愆若四時之循序七著無減凡節計
日而底安刀圭不施諸醫按方而占喜殆非始料攸
及若有陰相者存 七廟之冥佑孔昭重迓億萬年
景福 三殿之喜色可掬頓釋升餘載惟憂六沴消
除正屬子半之節四體輕健復覩日三之朝故茲教
示想宜知悉

鳩杖銘

并序

癸未即我 聖上七旬而壬午十二月二十

二日為立春尚方以鳩杖進是日 上親製

杖銘仍 命諸臣和進

昭陽維正 聖壽伊耆中朝而杖起居用節鳩猶古
篩制豈文琢武德彌邵銘以喻學靡老自逸志存炳
燭在抱在曳隨問兢屬 先王攸行嗣美簡冊臣獻
懿戒庸微斯夕

奉 教撰進本府民隱文

成川時
○癸未

辟王為邦周禮是秉懋樹恒產為民祈命一飢一寒
若恫在躬鼓汝舞汝期躋幽風雖茲下邑亦苟完保
既庶何加所急在教壤接通都商旅絡續貿遷為業

用貨易食士之磨漸兵犴昇平浮靡相染奴視田氓
惟有疲惛緣彼南畝薄值澇暵輕去鄉土習尚已媮
緩急奚恃利萌滋長禮俗寢圯綸音施仁日播窮
閭譬猶霖霖何地不霑厥有未浹咎在守臣導揚罔
忱膏澤猶屯聖惟寬大弗呵而勉援詩寓惕俾陳
民隱臣拜稽首以悚以泣雖其駑劣敢忘報荅維茲
豳化六官為本八百姬籙一誠以贊豈維倉廩教道
宜先圭竇之風實自厦韞聖人之氓必出庠序如天
化物孰勸孰沮涵煦以漸發育無息式此神功錫我
民福受戴期望八域引領敢貢通言庸備澄省

景賢堂宣麻錄跋 丁亥

恭惟我 聖后高拱穆清教思無窮禮遇臣工養以
廉節厥有年至乞休者雖惜其去亦循其願蓋所以
尊經訓優老臣風勵朝紳一事而三善具焉者也維
四十一年丙戌臣聖源年七十越明年丁亥臣有容
臣尚翼亦年七十稽之禮典俱合致事乃敢相次陳
章引年丐退 上嘉其志 誕降恩旨 特允攸懇
用是年正月戊寅 袞服臨景賢堂頒麻訖臣有容
臣尚翼臣聖源謹奉箋稱謝越一日己卯 宣對于
寢殿 親御翰墨書四言八句凡三紙面授臣等詞

藻溫醇 墨液焜煌如春陽噓物奎彩麗天臣有容
臣尚翼臣聖源稽首祇受感極涕隨不自意復近
威顏獲承 寶唾于懷袖之中也 上又命芸閣將
聖教聖製及誥箋文字鏤印入 兩宮分 賜三臣
徧藏史庫以垂千億 詔臣有容識其卷尾臣拜手
言曰嗚呼天之施物博矣語其至則不過曰各遂其
性聖人則之施諸萬民亦惟曰各得其欲臣等幸遭
明辰叨廁卿班擗櫟之用無當蒲柳之衰先及區區
至願惟在假借 寵靈收拾晚暝上以母累 隆知
下以無愧初服而已伏蒙 聖慈體下適垂并照之

光俾霑均被之澤 絲綸謨宣簪組咸聳茲豈淺誠
拙辭之攸格哉良以 上天成物之仁不遺於一介
也伏况我 聖上茂膺天休 寶筮無疆國多耆耄
謳誦洋洋臣等適當斯會首蒙 寵典承詔奉 翰
又在同日茲實 聖旨中君臣稀有之事而 特優
恩數以寵其歸者也竊稽往策漢臣疏廣之歸也至
有圖繪其跡以傳後世可謂盛事未聞當時有宸翰
之賜矣唐臣賀知章之去也天子賜詩以寵之可謂
異恩未聞藏副史室為不朽之圖也今臣等所蒙實
前哲之所未得者 恩重丘山百身不足荷戴感涕

骨髓一口何能稱述抱持 琬琰瞻望 宸極不知
此生何以對揚 洪私惟 殿下克勤未倦矣恒加
保蓄之功文謨既顯矣益思詒燕之道永鞏萬世之
基惟臣等退伏猷猷與溪翁野老詠歌相荅以續擊
壤之餘音其為 聖世之賜奚止今日之光榮已哉
明聖王后追上 尊號玉冊文 壬辰

恭以令聞無數久仰配 聖之陰功 顯號載揚肇
行光 先之盛禮蓋此舉寔由於追慕而曠典允協
於群情恭惟 顯烈貞獻文德明聖王后 毓德名
門 作嬪 王室漢錄肇沙麓之繇早膺神爵墮玉

之祥周詩頌瓜瓞之休果驗老仙抱童之畫贊王
化於修齊之本壹則采彰莫邦命於休恤之幾
毋儀聿正徽音載彤管而難罄永慕匪青丘而無
窮第惟天序之迭遷竊懼坤乾之寢遠瞻七世
觀德之廟幾歎徽稱之未遑念當時翼運之功
詎緩前休之克闡茲當文祖之加號允合聖
妣之并尊純禧遠覃旣胤祚之永錫至仁上
格宜世享之孔明雖儼日之光非二字之能狀
惟覩天之烈亘萬祀而之徵事若有待於今禮則
實稽於古謹遣臣議政府領議政金相福奉冊寶

追上 尊跽曰禧仁伏惟 俯鑑菲悃 誕受寶章
介景福於 宗祧俾昌俾熾 昭義聞於竹帛不顯
不承

序

贈陳生序

戊戌

東學生陳君請於余曰始吾舉明經來京師也老母
為丐貸鄰里以齋糧臨門送之曰勉之他日歸其令
我喜也其不第而歸老母則輟食泣夜而不寐且吾
於吾業也習之二十年矣非不專且精也恒屈而不
見伸是不利於是業也今將盡棄其學他藝焉從事

僥倖其萬一吾子幸教之余應之曰諾是有時焉以
子業之專且精而猶且見屈而况始學乎他藝而求
其伸乎陳密謂韓文公曰密試明經累年不獲選今
欲易其業而三禮是習願先生之張之也韓子曰子
之業信習矣其容信合於禮矣抑吾所見者外也夫
外不足以信內子誦其文則思其義習其儀則行其
道則將謂子君子也爵祿之來不可辭矣科寧有利
不利耶吾嘗喜其言矣今於荅子之問聊復舉而諷
之子其勉乎哉蘇秦之辯而困而後行其說益明之
勇而敗然後制其勝向使二子者挫於一屈而棄其

辯與勇而入於他術安知其能成名於後也故君子不以厄窮而移其志吾子勉之哉

送浮屠義天序

谷雲子既老喜與山人遊有浮屠義天者尤與之善猶淵明之得慧遠也谷雲子既死義天散其徒浮遊四方猶秘演之失曼卿也師通經善譚論貌若童子余與之居三日不見其火食也怪而問其故曰吾貧無食糜松朮以餬口終歲無耕爨之勞而凶年免飢饉之憂矣將客於湖闌也謁余為言夫道不同不相為謀然師之為道則誠高矣國中三百有餘州其寺

觀之多當以千計其浮屠之衆亦當以累萬計有餘
然言其道之與師齊者有幾哉於師乎不發吾言是
并其徒累萬人而異之也非君子之義也師知夫黃
雀之啾啾者乎是其生誠微且細哉亦豈腐土爛草
之所出乎是必有其父若母焉其羽毛未生也父母
翼之哺之其少飛也躡其父母而待哺焉及其羽翼
已成飛而之四方聚於蓬栩之中四顧而求食其父
母過之曾不知其父母而嚇焉師知夫黃鵠之矯矯
者乎飢不啄稻粱渴不飲行潦翩然高舉與世相絕
其為物豈可與黃雀同日語哉雖然其不知父若母

焉一也故均於禽而已今夫師固浮屠之傑然者也
非衆浮屠之可望以及者也然其母不養薄其生
養之恩不答若此者其異於衆浮屠者有幾哉師事
谷雲子谷雲子之側無人焉師不能安也師事母居
之東海之濱三歲不歸省夫師之事谷雲子為其志
之相合也志之相合與毛之相屬必有間矣昔者衛
武公九十作抑戒吾夫子錄之于詩以美之師雖老
矣聽吾言而有戚戚於心者則請繹之思所革之無
以吾孺子而輕棄其言也

送朴生

師傑

歸忠州序

庚子

吾黨有朴生者其為人也慷慨好古朴生有友曰李
生其為人也亦慷慨好古二人相與語朴生曰古之
人李生亦曰古之人李生曰然朴生曰唯卒不見其
為二人也朴生客余家讀書聞李生來京師即謝余
去明日又来告曰李君謂我隱忠原忠原余所樂也
李君賢者吾與之處數年吾之道乏用矣今日之行
子宜賀我余曰諾朋友之道缺久矣於二子親見之
幸甚忠原土泉肥甘有山林鳥魚之樂又聞李君行
高而言方非巢由不由非夷齊不稱誘其友必以善
耻不如已雖微子之謂我賀也吾固將賀子矣雖然

贈言不以親非忠之道也子所慕古人者皆君子而
隘者也極乎一善而不成於大道子是之悅而求似
焉幸有一行之近焉者子必曰是亦古人而已古人
不我過也如此鮮乎進於道矣為子勉之吾與李君
俱有成言於子也今子墜言於吾而復言於李君者
以子之明知李君之益於子者多於吾故也人之望
於己者重則己之報於人者不可輕重為李君勉之

新編少陵古詩序

余因祀溪俞守父得農巖所編浣溪百選者蓋守父
在公甥館時為之選而教之者也公於子美詩用力

素深而當是選也又諷讀滿十遍後加點陟焉故其
擇尤精云然獨恨專取五言於七言闕如也豈其好
偏於五言歟將欲長第續編而未暇也輒不自揆遂
取全集七言詩沉潛究贖頗見其蘊奧然後就加刪
述得六十篇又繕寫農巖所選合為二編雖其取捨
未悉當公意藏之篋笥私自誦習奚不可也至訓解
評批之事諸家詳之余無贅焉惟大戾於本旨者輒
以己意正之云耳

溪巖集序

癸卯

詩言志志有不得已而言之不能傳然後乃詩焉夫

鳥之鳴春其聲樂蟲之鳴秋其聲悲是何嘗有意於
悲樂歟亦彼之聲以通其志而已大夫俞公以節觀
察湖南湖南大治民畏其去既而謝以疾免歸中道
授其符麾下將進闕下獨肩輿入湖中於是朝野
之士咸惜其去然以余觀公志若有不得已而言若
有不能傳者焉湖中有山焉曰獅嶽有水焉其名竹
溪余自潛野拜公于溪上又與公二子將遊獅嶽公
聞之欣然輒以一馬先焉濯清泉坐喬木與山僧野
老上下而翱翔凡有樂乎心者一以詩發之樂之終
未嘗不以憂繼之余於是始得公之志而悲之然其

所以悲之者余又不能以言傳後之讀是詩者庶幾
自知之矣詩四十篇合竹溪之詩百六十篇總二百
篇此集所以作也嗟夫世之人好以跡求人公立朝
不以皦皦為節家居恬穆若處子循其外鮮能以知
公者其得公之心而悅之者惟余甚遂為之序

敏上人詩集序

宜陽子登華山之顛愛其巖洞之深秀問諸父老曰
此亦有有道而隱者乎皆曰有性敏者以浮屠隱其
人已死而後來者無聞焉宜陽子曰遲遲余來也歎
息而去其後客于湖關與浮屠浩然遊然也通經有

道氣問其師乃知學於敏公而因得敏公之賢甚詳
既而以其師所為詩二編謁余曰吾師於物無嗜好
獨喜為詩然得輒一二吟吟已則裂去之不有今其
存者若干篇耳將謀所以傳之願得子一言為重余
惟釋氏之教終貴乎寂滅四大亦不自有奚獨於區
區言語而欲圖其不朽歟既又念古之隱於浮屠者
往往以其詩名近世以來為浮屠者多出於逋逃庸
賤未必能知其道昧乎道者固不能有言矣是故能
詩者併與其所謂道者而泯泯無傳焉由此觀之其
言之所存則其道之所存為其造者之不欲湮沒其

言也固也無恠焉况如敏公者非獨其徒尊之所居
之傍父老皆好之非其賢有可以服人者惡能得此
此其可傳者也遂書以遺之

省齋稿序

丙午

世謂滄浪洪君徒能詩耳以余論之其功亦不可少
也始滄浪徒手起委巷一唱為正音名動士大夫間
而間井之人各自奮厲自五尺童子咸知挾策讀書
之為貴嗟乎是誰之力也高君吾未見其人也然聞
其仕于譯人也則異方之音是其所習也交易之事
是其所業也其聞見宜若不越于此者獨脫然不以

為累自少博於書而志於文蓋嘗五入燕都而其家
益貧其文益富以是求其人其人可知矣日者因其
廷林君以其所著詩文謁余為序余得以窮其所造
殆與滄浪先後者也今之士大夫取人以地位相高
下取才亦以其類雖有高世之才人微而地卑焉率
不肯相引援以成其美至於老死而不售者相踵也
噫可異矣雖然大衆出于地雖累土而揜之彌然仰
出必達乃已高君第勉之惟患其未大也夫何患其
不達

送文生尚質序

士不患道不行而患經不明經明則道有時而行矣
自孔子反魯而汲汲於序述之事以明先王之道而
弟子誦習傳授之道雖不行於當時固已為天下後
世立長治之本矣異學之所患莫切於此故激而為
楊墨為申韓所以病之者百端然徃徃見距於聖人
之徒其說不得肆則以為詩書之言不滅孔子之道
不絕而焚書之禍卒起於荀卿之門人賴秦即亡去
古未遠諸儒得以修補耳不然人之類幾滅矣於是
天下之士動心懲創所以扶持之者益固而專門之
學興焉此後世明經科之本也間有以黃老刑名之

術中世主之意者然頗以儒術緣飾其闕晉梁之際
至無道也而儒學不絕於下延至於宋而遂大明也
嗚呼自秦至今累千餘歲異學莫絀於今時久則將
變塞則將流君子由是懼焉 國家三年一試明經
之士有解焉有覆焉宰相莅之六官副焉一人苟治
士書錯一字不中而況於章乎況於義乎夫其慮之
也遠望之也重故其取之也詳居是業者宜知其意
故書以送子

送林生沆序

始文憲公之北遷也伺候於門牆麾之且不去者卻

步以走莫之一顧也有林童子者負書逵行邀公於
青海之北得習於左右而服事焉及喪從櫬至洛三
年然後去於是童子以嗜學慕義聞於北方之士云
其後三十有三年君以鄉貢來試京師客於余為言
其童子時事時時反袂拭目目中灑灑有涕痕吾聞
北方風俗質厚其人忠信敦良故丞相閔公為方伯
又輔之以文學流風尚有存者其心忠信敦良又尚
之以文學鮮不為君子君之鄉似君者幾人文學之
盛莫上乎京師也何似君者少也

贈康從勲序

丁未

荆楚多奇士然其俗輕脫無固志父兄之教善則易
以興於義父兄之教不善亦敢於不義康氏之先荆
州人世事 明天子五世祖討蒙古死於戎前高祖
從楊鎬東擊蠻死於平山曾大父從劉綎兵禦北虜
與我將金應河同日死深河於是康氏三世為 明
忠臣豈所謂興於義者歟深河之敗其大父從其父
在軍道絕不得歸遂以一馬東焉其後二十年而
明亡當其時天下之亂久矣中國文獻漢然無可徵
而時時灑涕搥腕與父老兒童說 崇禎故事者遠
薊以東維一人而已君在北特閭閻一氓庶耳一至

京師輒廩之厚祿以光寵焉 恩至渥也然 國家
亦豈捐護軍一銜苟以榮君之身歟蓋推先人之忠
勤以勸其後嗣耳君在家其教之如彼在國其勸之
如此雖在蠻貊之俗猶將有興焉况其出於荆楚之
邦而慷慨好義本乎其性者哉自古兵革之事率之
死者多於將編裨之死者多於元帥蓋位卑者受恩
少而感恩易任重者其身愈貴而其死愈難也且以
君三世言之位非顯也任非專也維見義者深故樹
立如是其卓也今之武夫知此義者幾希矣吾故於
君焉發之使歸為北人倡曰朝廷維西北人之甄拔

是急臨大政必申兵部歲收若干人維其人之不才也非朝廷之不用也爵與祿之有不周也非上之不加恩也異日如有北方之虞而聞其能荷戈執鼓以先王師者則吾必謂非子也則子之徒也

諺解曹大家女誡七篇序

己酉

訓人有方強之以所難法則難行誘之以所易知則易守難法者泥古之言也易知者切時之論也雖女教亦然余讀范史列傳得曹大家女誡七章蓋所謂切時之論易知而易守者也婦人之賢而有文者莫尚乎大家其於詩禮之教受之有素矣獨是篇所稱

斟酌乎世俗婦女之所可行而無絕高難企之事故
聽之者無厭行之者不躡而自養舅姑事夫子以至
教子女睦宗族其道無不備也余既喜其藏之卓也
聊復譯以諺語遺諸妹及兄女使之諷誦而服習焉
庶幾其言易曉而其教易入也已酉三月日少華居
士書

酌古編序

道之行也歟君子經當世以成務道之不行也歟君
子述往古以立言二者未始不相須而述者深遠矣
吾友延城李宜叔博學好古為文章疎宕饒奇氣頗

類其為人尤喜論古人得失杜門著書十餘年其力
專其思湛豈吾所謂迷者歟何其言之益多而其窮
之益甚也自古志士多窮窮而後能言而其言必待
千百世而後傳然原其立言之意蓋皆發憤之所為
作則不可謂之無意於當世也宜叔慷慨好譚事其
視天下事無一當其意而亦自謂為之不難也欲揚
眉一吐出胸中之奇而無益俗不信故鬱鬱不得志
借古人陳腐之跡指事立論以取譬當世得肆其誅
賞貶褒焉余故悲宜叔之志之苦而知之者少又悲
知余之所以悲之者加少也歲之九月余將歸耕鵝

溪宜叔將入嘉陵山中出其書若干篇為余讀之求
余文為序嗟夫宜叔之自貴其言未嘗輕出示人而
今乃盡出無甚惜豈道終不可行而宜叔又將隱歟
老莊之道其源出於由光而由光不著書老莊著書
後之尊老莊者莫不誦習其書而由光之志亦因此
得傳焉余拙且訥口不能與人劇譚尤不喜為文每
得宜叔之書犁然一笑喜其議論之與吾合者十常
八九也則余之志將因宜叔以傳而又幸其同時無
待乎千百世之後也於是乎言

太史公叙三千年事五十萬言班令史叙二百年事八十萬言是以知固不如遷也是書也記四代之事而總若干百言然由是而推之雖百世可知也不惟百世而已雖至千萬世之久而其盛衰興廢之所以然者皆可按而知也今天下之史無不用胡皇帝之正朔也獨是書不然仲容氏胡不以大筆書春王於紀年之首以明王統雖絕於天下而王澤不斬於人心而人心所不能忘王統猶不絕云者歟尚勉之哉少華山人書

與俞生盛基序

辛亥

余猶及君家二尚書矣若長公之敦厚次公之端良
其可師者也退而與其子弟遊亦皆可友者也嗚呼
何君之門多賢也君雖少也喜讀書敏於事長余知
其得於聞覩者為多也然以才量德才若有餘以文
較質質似不足豈其晚出薰襲於二公之風者鮮歟
二公既沒而守父成父山父又先後而死恭與章皆
落落河峽之間矣君於是漠然無所向橐其書踵余
而求學焉其志亦可悲矣古者道一而已今也裂而
為三道之外又有所謂古文者有所謂時文者古文
者猶依道而行者也時文者詭道而為之可也故君

子病焉夫修業者惡夫志之不專今人之所欲莫甚
於科舉故尊尊為時文而又懼其失於此而不及於
彼則乃傍治古文故為時文迂濶而難工為古文固
陋而無奇終至於兩妨其功而狼狽無成甚可歎也
顧余無足以教人者如有問我者必以專為對專者
擇於斯三者而固執之謂也其擇之善也與不善也
在乎君然未有詭道而善者也

雷淵集卷之十一

雷淵集卷之十二目錄

序

太華園中集序

贅言序

漢魏晉詩選序

金生名字序

贈寫真者朴善行序

申孺人墓誌後序

李幼安傳後序

縣學教條序

贈曹生命肇序

肅宗御容摹寫都監契屏序

譜圖序

宋氏忠孝錄序

徐侍郎

命九

五道

教書屏序

宜寧南氏族譜序

明書正綱序

東溪集序

晉庵集序

寒松子集序

愛瀨子集序

雷淵集卷之十二

序

太華閬中集序

今上三年太華公以記事官書 肅考史進必先
退必後曰臣之報先王者幸有此事耳其敢慢
既而大臣之得衆 肅考 肅考之所不用者來總
裁史事則公辭以疾屢起之愈益卧不起事聞下吏
治公又昌言其罪不撓 上卒遷公閬州以寵藉大
臣公素善病一月一二發發必危閬州極海以南介
於鉅嶺之外毒霧瘴氣自春以冬不服而居非死則

疾愛公者皆悲其去懼其不反也既行踰月則以書
遺余曰吾來此無事讀韓子書至論佛骨表未嘗不
悲其壯及讀潮州謝表又未嘗不哀其衰也然世之
疵公者亦過矣公之平生以周公孔子孟子之道自
負謂其道必可一試而天下舉蒙其澤夫千金之子
猶愛其身公之所有豈直千金而已哉潮州非人所
居公又老矣懼其遂死而道終不行於天下為是戚
戚也豈其不得已哉雖然公謂道之行也與不行也在
人乎在天乎其不能樂天如此其於聖人之道亦遠
矣蘇氏則不然倔強老益甚但怪其喜名節泰甚夫

人臣事君有過則匡之言之入臣與主俱幸也不入而得罪其不幸也豈宜以罪為榮沾沾然自好哉此其一生大節皆為名而為之耳非誠臣之用心也然以今觀之用名節自喜者亦不易得尤可悲也余復書曰公之言是也又以書示朋友皆曰公其還矣夫其言能安天順命其中全矣其中全者雷霆不能懾其魄寒暑不能移其氣瘴癘邪穢不能撓其真公其無虞矣其十一月果蒙恩得釋公在閬州常讀書不復為詩其或得興為之則名曰閬中集有若干篇其詩大率皆書意不懾不矯能寬閒自適嘗屬余為

序余諾而未暇也其歿後四年而公之文集將行始克屬筆并載其書有能讀是書者公之志可得而知之矣然謂公之志止於是則非知公者也維即乎是而推其大且遠而未究者默思而得之乃為知公耳

贅言序

余嘗裒錄散葉為八編就太華求刊汰存十之六七其後著述稍富而顧無所取質則第其目次藏諸巾笥以俟知者鑑正焉程子有言曰今人始執卷以文章為先平生所為動多於聖人然有之無所補無之靡所闕乃無用之贅言也余當作文時輒誦此言為

之悚然以懼也顧立志不高鬱於大道加之氣脆善
病志日荒而學日退徃徃假觚墨之力用自娛嬉而
其蓄於中者未醇而發於外者不精既不適時用又
不足傳後所謂有之無補無之靡闕者不翅近之矣
今名吾卷曰贅言以志其愧且欲自勗庶幾異日賴
師友之助率有以成吾志則將此卷付之回祿為滌
瑕蕩垢咸與維新之圖亦未晚也姑識之

漢魏晉詩選序

余少學詩于太華子子嘗憩松下有風至焉子欣然
顧余曰若知夫風乎夫風遊於太空薄於物而後為

聲然彼受之者其性剛焉故其為聲乃穆然而清焉
為詩亦猶是乎余說是言也每為詩其心未嘗不在
松下也俞子兢善為詩學於余余為選漢魏以來迄
于晉凡得百五十有四篇則又請余為序嗚呼子欲
聞為詩之道也則吾已舉太華子之言而告之矣子
其茂學以充其質使物之感於外者無足輕動吾心
焉可也古者舜與咎繇相和而歌則數言而已矣殷
人之尚質也其為頌十二篇而已矣成周之際詩乃
大顯刪之而為三百篇孔子之前又不知其幾篇焉
何其多也支離於漢魏淫於晉自是以降者其詩益

多而其真益離其偽日滋子其簡出子以多為務君子之言多乎哉不多也

金生名字序

箕子之道大者見於洪範小者見於八條其為教一也自八條設而東國之民漸於禮義冠服先王飲食籩豆其風俗固異於三方矣行之累百千年而當三國之際干戈滋興文術寢微而間有儒者修補典禮以維持當世仁賢之化遠哉至王太祖統合三韓而戰爭稍息中國之書稍出而諸儒得以考論經制及其季世文物寢備離於夷矣國朝受之益修其闕

弘道宿學之士輔翼而潛明之箕子之道復行於世
而廩廩進於中國 皇明時外夷大國十餘獨朝鮮
以禮義稱豈非箕子之教漸磨而使然也歟箕子殷
人也孔子亦云丘殷人也殷德之澤於後世也盛矣
哉光山金生志于道者也請名於余曰所貴乎人者
不忘其本吾之先有為平章者八世而凡為我金氏
者皆其後也請以是名可乎余曰善我人之所貴不
忘其本世之重金氏者豈以其族之大歟以其人之
多賢也子之先有文元先生者敦於禮金氏之多賢
實文元之教而文元之學出於李文成文忠之前有

趙文正而又其前有鄭文忠而文忠之學本於箕子
箕子之出實自殷請名子曰殷譯字曰孺文可也金
生曰諾因著為序

殷後
改純

贈寫真者朴善行序

有生必有死而形與心俱滅此儒者之言而理之常
也佛者曰形滅而心不滅仙者曰形與心俱不滅二
者雖非理之常世之好怪者或信焉寫真者之言又
曰心滅而形不滅其為說尤神然吾謂寫真者極其
藝則耳目若視聽焉口若言焉毛髮若動焉使百世
之下如見其為人其於道亦可謂奪造化之妙而與

仙佛者叅矣雖然心滅而形不滅果何益於其人亦何補於後世哉今又有人焉宗儒者而統仙佛以為道若是者其可謂道乎其言曰儒者曰形與心俱滅固理之常也然形與心既滅矣使後世之人何以知堯舜之為聖桀跖之為狂乎於是乎記言記事之學作焉言與事傳而其心傳形或附而傳焉若書之二典三謨非所謂形滅而心不滅者乎鄉黨非所謂形與心俱不滅者乎若是者非所謂宗儒者而統仙佛以為道乎君子之所貴者在心不在形其心既傳於後世歟其形傳之可也不傳之亦可也其心無可傳

於後世耶其形固不能獨傳也故寫真者之道惟寫
真者專之君子不由也湖南人朴善行以寫真名於
京師請為余寫真余笑而謝曰使吾形可傳雖微子
必將有形之者矣吾何待於子於其歸也聊為序以
贈之

申孺人墓誌後序

孺人申氏元州元景游文仲之妻而故弘文應教督
之女也年十六歸文仲以孝稱於元氏歸十二年而
卒文仲之兄景夏華伯誌其墓嗚呼世稱孝於舅姑
者率多以口體之養為悅而其於深愛篤敬蓋或歟

馬余觀華伯之誌曰孺人能以禮法自守事舅姑盡其孝夫能以禮而為孝則孺人之孝必有異於世俗之所謂孝者矣三代以降女無傳我國之俗婦人不讀書不為之傳又不習之以詩禮小學之言雖有明智將何自而知禮義我是以在家無教在夫家無禮其理則然矣吾聞孺人自其幼時誦班昭女誡言動必以古賢婦為則其在應教側也常竊聽其所讀書畧通大義往往與之問難纒纒可聽然獨淵靜自持若無所能其愛父母愈長而愈甚遇其疾必沐浴禱于鬼神其居應教喪也哭輒氣絕良久乃蘇蓋其在

家之教如此故其在夫家也乃能有禮如彼此豈強
勉於一朝而能之者哉世之人有子不教及其嫁也
必告之曰往之而家順而舅姑敬而夫子則輒應之
曰諾夫不素教而求其為善慢也不素受教而以善
自期妄也余於孺人既喜其能受教而後事人而無
愧於為人之婦也又喜應教之能教而後嫁之而無
愧於為人之父也聊書其誌後以塞文仲之請

李幼安傳後序

李幼安死六年光山金殷澤為之傳以示士大夫之
知幼安者以余所聞尚恨其不詳別為叙之以補其

閼云君事母能養其志與弟寢郎君相愛甚終其身
不異室使其婦與弟婦一室有亡財母敢爾我戒婢
媼母敢有違言故閨門密若無人焉有女弟貧不能
家君則迎而館之母側遇女弟之夫視寢郎君君自
始為郎廩祿悉入母所不令婦有私財錢布雖例入
皆却之嘗嚴冬念母無重襖受木綿數斤既而悔曰
曩吾不受入今也受是吾為母奪志也母志則吾志
貳之何以事母卒以綿還之他日入見母寒甚以暖
君泣母曰何泣也君曰使母寒以暖猶謂母有子乎
母曰而之不肖雖文繡吾身獨不病於心乎而之賢

歟吾雖寒獨無慙乎心乎遂毋子相視而笑有識聞
之悲君之志而賢其毋君為人清修刻厲一芥不以
不義取嘗從人飲酒已問酒所從知權貴家自出也
則腹疾疾馳歸服鹽水吐出酒咯咯良久乃安為陝
川守也舍人以私錢貿布官市以為衣君聞詰之舍
人以實對君曰而在吾左右私貿官市物是污我也
亟以衣還市人自取其紵袍與之曰服此慎毋索市
人錢市人從舍人苦求還錢舍人終不敢受嘗奉使
出及還其友人家在官道左而迂數里君欲過之不
敢乘傳徒步往過至夕騎友人馬歸及官道然後乃

乘傳其守法不苟多類此君材而有文 上亦重其
廉公稍遷至下大夫甚嚮用然門無車馬時時弊衣
冠以出前導去馬首一尺人或不知君而侮辱之然
晏如也既又不樂仕宦除官輒不受家益貧往往不
繼食有譏之曰不食君祿以飢餓其母介則有矣不
知其孝也君聞而嘆曰誠有人言者吾愛吾母豈不
及他人哉亦不甚辨也余始與君相識而未習也君
得余文讀之謂人曰此西漢之文也其後余送尚書
俞公葵夜至南江君亦至閤中識余聲字以呼之曰
子之文古人之文也然古人文章外有事子文章外

無事其竟不及古人歟余笑曰子不知文章亦事爾
未幾而君卒君與朋友交義以信觀其臨似若嚴冷
不可犯者然獨恂恂溫讓善言笑使人不能去至義
有不可雖杯酒之中毅然必見正色焉君為吏有惠
政陝川民間君死家出錢為賻家人以君遺意辭不
受固請之不獲則盛為羞設君之位于門下祭之而
去君既卒而世之疵君者益衆率以為矯飾不近情
嗟乎矯飾者不恒不近情者烏能得人既恒且得人
矣烏見其矯飾烏見其不近情哉悲夫世之喜長短
人而不自省也

縣學教條序

己未

永春縣之無學久矣非無學也學而無士猶無學也
余為是懼訪於父老簡於鄉黨得秀才十餘人居之
學院有士矣無財曷以養之於是鳩訾二萬餘錢入
于校立母息子用給其犧廩既有養矣徒養而無教
非所以養士也爰述教條五章以遺之其曰齋約蓋
採呂氏鄉約而增損之以言朋友進德修業之要其
曰學規專言為學之序其曰讀法勉其溫故而知新
也其曰講儀所以習揖讓進退之節也其曰儒籍所
以明揚善救過之術也文雖約而指則切始教之大

方畧舉其緊諸生第相與勗之進乎是者余姑不敢
言待諸生異日問學將就必有能繼余而言之者矣
嗚呼為學以誠不學而不誠將學而誠之云爾為學
矣不誠將奚以救之其為君子之棄而小人之歸也
決矣此余之所大憂也諸生盍相與戒之己未十二
月庚辰少華題

一曰齋約

德業相勸

德謂見善必行聞善即改尊禮父老訓養幼
少敬事長上慎擇交遊為人謀忠為衆集事

崇長揖讓解釋聞爭嗜好文學攘絕貨色周
賡窮約救恤患難

業謂禮樂射御書數之類傳曰禮樂不可斯
須去身禮也者序也樂也者和也長幼尊卑
有序而和生焉然後群居而不亂故禮莫大
於序序而至於和斯可以觀君子矣古人以
書籍几案之位冥整齊謂之禮顛倒失序謂
之不和絲此推之事無大小蓋莫不有禮樂
矣何必玉帛之為禮鐘鼓之為樂哉射御書
數亦儒者之事禮曰射以觀德程子曰作字

時敬亦是學曷不勉哉

過失相規

犯義之過六酖博聞訟行止踰越游嬉惰業
妬嫉勝已造言敗類營私忘耻

不修之過六持身傲慢出言鄙悖臨事不恪
用財無節渝敗教條侮棄士論

二曰學規

月朔月望夙興具巾服長幼序進祇謁于先聖
既退分序相揖

每日夙興盥擲整衣冠端坐執業宿止必有常

處

春讀六經中一書

限三十遍

四月至七月讀騷賦詩家

不限遍數時時誦誦而已

自

四月至七月時氣蒸熱有妨於讀書日煦舒

長甚便於課製故事以述作為務或詩賦或

義疑表策必一日一篇考較優劣隨等計劃

十日一計三計三最者有賞三計三殿者有

罰

賞以紙筆
罰以榎楚

秋讀史記諸子中一書

限三十遍

若史家

熟看一日看一編或二編而尤致詳於國家
興亡法制沿革賢邪進退羣夷離合之際

冬讀四書中一書

限三十遍
或讀小學

每始讀一書必以聞于官卒業亦以聞俾考其勤怠

諸生或有事歸家以單子請假于官毋得擅行

三曰讀法

自二月至三月朝讀書十遍晝二十遍自八月至正月朝讀書十遍晝十遍夜十遍

讀書者惟耽新學都忘舊讀則與不讀何異
令一日遍數不過三十則優優乎日有餘力

矣必取舊讀文字次第溫習限以五六遍相
與討論義旨務在融會貫通又或臨帖習字
或剽錄古書或看閑科文或構綴古律而常
以餘力為之無妨實工

四曰講儀

每間二月朔日一開講 前一日東西訓長及

掌議率諸生

入齋諸生外有願
參者皆許入講

入宿于齋舍

翌日未明給事

擇校生中解
事者為之

設帷席几案筆硯

講子奩之具于明倫堂上 平明先生

古者郡
國生徒

皆以守宰為師
故謂之先生

率諸生入謁于

聖廟 典儀

擇校生中習禮識字者為之
無則擇諸生中一人為之
導先生入明倫堂

掌議持講生案隨之
前一日掌議錄入講諸生姓名為案必從其年齒為

序
掌議坐楹右東向
典儀坐楹左西向
典儀讀笏記
兩訓

長率諸生詣明倫堂下分庭相揖
兩訓長歷班冠者居

上童子兩訓長由東西階就位
東訓長西向
西訓長東向

掌議唱諸生由東西階就位
一從講生案次第唱名以入

給事引講生詣書案前
拜
跪
講生進講

書
講生進講紙
講生豫具講紙如單子揖首
間書其姓名次間書所講書

名置諸懷中先生抽講章
東西訓長書講章于講

紙書名下
講
講時端拱危坐檢飭威儀鼓厲其精神踈暢其音節不敢作怠

容不敢出漫語有文義昭暢講訖先生出講柱盡善盡美

失儀者掌議糾正謂之通文義粗備長短相補謂之略章句滋滯

解說艱難謂之粗章句過塞解說錯亂謂之不通

講生書講號於講章下拜退就位給

事引講生詣書案前儀做講畢諸生出序以

出毋得亂列兩訓長掌議出典儀導先生出

掌議東西訓長會于齋舍行賞罰居魁者賞以紙筆居末者

罰以榎楚失儀者行付黃之罰先生不莅講則訓長掌議齋

會開講講儀略

五曰儒籍

凡入學諸生悉錄姓名本貫生年于籍以年齒多少為

次有善書于籍以紅紙書其所行之善如見善必行聞過即改之類付于其人

姓名有過亦書于籍以黃紙書其所犯之過如

之上付于其人姓名之上

凡有善有過諸生齋會發論僉曰可然後書

于籍一歲三考籍以正月十五日五月十

計其善惡多寡大行賞罰賞以紙筆罰以榎楚

付黃至三則削籍削籍而猶不悛則出齋而

絕之削籍者以黑紙蔽其名

凡付黃削籍者有善則解罰講魁試魁亦解

罰

納籍于櫝固其鎖鑰立司籍一人諸生中以主其出納

考籍齋中一大論兩訓長掌議必齋會確議既

賞罰以單子具由

聞于官解罰亦聞

贈曹生命肇序庚申

善易不言易高棋不棋吾皆犯之謂之智不智雖然
君與吾棋累十局而活殺奇正未或有獲焉與吾易
惟乾坤屯蒙耳餘六十卦象爻畧曉義例蓋于棋不
志進于易志進故也夫熱鬧喜勝之如棋而不志進
奧深難透之如易而志進推是而求君之心必也攬

轡名利之塗而操戈六藝之門者歟勗哉君不志乎
進而不進者固亡論已既志乎進而不遂進者亦有
之銳乎始而怠乎終之謂也吾所言特易之糝糠耳
指南乎茲湛疇專而眇明至方見天地之為高厚水
火之為柔剛風雷之晦明山澤之崇深君於是乎振
節揚鑣愈進而不反顧否抑見難而卻步也徐俟異
日一叩之

肅宗御容摹寫都監契屏序

戊辰

我聖考肅宗大王御真有二本一奉安江都長寧
殿一奉安昌德宮大內聖考三十九年癸巳國工

秦再奚寫也于時 寶筮為五十有四而 龍髯有
八九莖白 御衮衣玉帶冠翼善冠據髯紅椅子而
端拱焉國朝 列聖御容皆奉安于南殿 太祖一
室 世祖次之 元宗又次之 當寧二十四年戊
辰 上命添造一室移摹大內 御真躋奉于 元
宗之下甚盛禮也是役也自正月甲辰設都監于昌
德宮二月丁巳 上自慶德宮親幸告事由自是日
始摹于宣政政越十日丁卯訖摹 上始還宮戊寅
寶幀成 上又親幸焉翌日己卯告勤駕日方中禮
克成遂合享焉大小臣工之凡在列者舉傾首拭目

瞻望 黼座吁嗟忭躍于下而 龍姿日表爛燁燁
煌儼然若有臨焉 殿下登獻降拜 玉帛微絃愾
然若有聞焉嗚呼盛哉昔周公之祭文王也登歌清
廟而凡在廟中者愀然如復見文王夫聲詩之感人
猶如此況 盛德光輝之著於容狀而形於丹青者
哉禮曰孝子之祭也思其居處思其笑語思其志意
以至所樂所嗜而靡所不思於其思也而得覩其容
狀於彷彿之中則其思也當益切而怵惕悽愴之心
真可以通神明矣于斯舉也益可見 聖慕之無窮
已矣雖然臣嘗聞諸耆舊 聖考臨朝正容 符彩

若神可望而畏徐而接其辭令藹然仁愛之發感動左右至今竊想其氣像惟詩人所稱抑抑威儀維德之隅者可以對揚萬一而若乃繪素之所形亦其外耳然則聖上所以光先烈廣孝思者亦惟心法是傳而已此又群下之仰期於聖明者也
都監既撤諸臣相謀曰事莫重乎敦匠榮莫大乎近君吾儕幸得受命董事朝暮昵侍耿光者殆一旬有餘是不可以無志遂捐其餘贊各造短屏列錄
都提調以下諸臣名氏以有容忝列郎僚俾叙其顛末如右昔宋仁宗既作會聖宮奉三后御容而展薦

之禮久而不舉其臣歐陽脩獻頌以風之其率章曰
聖既降矣其誰格之維孝天子聖降當享其誰來薦
亦孝天子望其率也今我 殿下自始工至率事凡
三率而三享之 袞冕圭璋皇皇翼翼 精神徹乎
陟降典禮洽乎聽聞茲又往辟之所未行而來嗣之
所當法也故記之特詳云爾

譜圖序

己巳

惟南氏之先出於中國其始金氏自英毅公東來受
姓而始見于譜英毅以上無得以考焉英毅之來實
當天寶十四載是時玄宗在位久荒于政事揚國忠

為相與貴妃交亂內外而其冬祿山果反玄宗奔蜀而天下幾無唐矣公之居東不返安知不出於夫子居夷之義歟是時新羅方睦于唐歲修職貢至遣使朝帝于蜀若公亦可謂因不失親矣自公之受階英陽子姓蕃衍五百二十餘年而至密直公始分籍而宜寧氏興焉密直以上著于譜者僅七世其見逸者不知其幾世而七世之事跡亦泯然無徵焉可歎也已今自密直以下次為譜圖又畧叙事蹟如歐陽公所為者而特詳于吾之自出傍祖則為吾先昆弟若伯叔父者得列焉

譜圖

始祖敏

公始姓金名忠唐鳳陽府人玄宗天寶十四載以按廉使奉使日本漂到新羅禮州

公曰天下莫非王土願居之景德王以聞天

子許焉王謂公自南來遂賜姓曰南改名敏

封英毅公以英陽縣為公食邑子孫仍受籍

焉墓在縣北日月山南今亡其處子孫為壇

于山下每十月

上旬享祀之

自公以下譜逸至倜復見于譜有曰太子詹事翼曰

衛尉令謙曰檢校禮賓卿澍孫曰及第之卓曰禮賓

卿奕曰大將軍鎮勇有三子長洪甫次君甫圭甫始

分籍于宜寧固城

洪甫

君甫

事高麗忠烈王忠宣

王官樞密院直副使

赫胥

益胥

官豐儲倉副使

天老

知靈光郡事夫人朴氏部將琮女

乙蕃

贊化功臣門下侍中宜寧府院君烈公夫人崔氏參議汪女

乙珍

參知門下省事太祖開國遼居沙川屢徵不起太祖高其

節就封沙
川伯後孫
有直提學
廢以名節
著

乙敬

官贊成事

天命

官典書

匡甫

乙蕃

在

景文

智

開國功臣
議政府領

官兵曹議
郎夫人方

議政府右
議政贈



議政宜寧

府院君

贈謚忠景

公配享

太祖廟庭

夫人卞韓

國太夫人

尹氏坡平

君庠女淑

安宅主洪

氏觀察使

癸女

氏參議洵

簡

謚忠簡公

官直提學

夫人朴氏

吏曹判書

信女

景武

暉

無子以宜

山尉為子

議郎公第

三子尚

太宗女貞

善公主封

宜山尉

贈謚昭簡

公孫怡驍

勇絕倫年

二十七拜

大司馬稱

簡

開國功臣
三軍都統

使剛武公贈謚

享廟庭太祖

實

贊

後

官司憲府
監察夫人

姜氏大司
憲碩德女

恮

恬

生員有子
曰孝溫字

伯恭 號秋
江文 章清

節與 金時
習齊 名

恢

孝友

進士 夫人
朴氏 蘓貞

孝義

女

漢城 府判
尹夫 人柳

氏子 和女

悌

吏曹 正郎

慄

大司 諫

倜

健

參議

伋

孝義

慶春

孟夏

復興

官通禮院
左通禮夫

隱德不仕
世稱東郊

文科同知
中樞府事

人鄭氏弘
佐女

處士夫人
鄭氏海林

復始

君承休女

官茂朱縣

監夫人金

氏左議政

命元女

復始

鎮

得薰

官儀賓府
都事夫人

得朋

龍翼

申氏副正
汝灌女許

官仁川府
使夫人申

吏曹判書
大提學

氏成龍女

氏復一女

贈謚文憲
公夫人蔡

氏持平聖
龜女

得溟

官慶基殿
叅奉

錫

官慶山縣
監

銑

吏曹判書
以清白著

名 贈
貞敏公 謚

正重

漢紀

有常

慶尚道觀
察使夫人

同知敦寧
府事夫人

文科 贈
弘文館副

李氏吏曹
參判寅煥

沈氏漢章
女沈氏若

修撰配李
氏戶曹參

女

來女

判兩臣女

有容

有定

密直府君墓宜寧縣西門外十步簡易崔豈撰墓表
公墓始亡所在知縣黃瑄有築於北墟見古塚累累
也意欲夷之一夕夢達官言樛松之下吾居可訪余
武也黃驚求得余武乃年百餘故吏遽曰民固知見
名者夢南相公謂民若宰當訪吾居彼第幾所是也
黃大異之遂治其荒穢而墳焉得紫石土中有文為
南蓋信之又得金環一帶鉤三以送鄰下諸南諸南
相與悲泣悉反瘞墓前內外裔孫以觀察節度來者
益大其封築增置墓田守戶至今祭祀不絕

豐儲府君事蹟闕

知郡府君知靈光也嘗出遊森溪得一丘樂之曰死則歸我于此未幾卒于官將返葬故山柩至森溪不前遂墓焉

侍中府君性醇謹國史書之年七十六卒謚敬烈忠景公府君初諱謙字敬之高麗恭愍王二十三年同進士出身尋佐太祖開國遜于野欲辭功太祖祖物色得之賜名在喜之也遂策功一等後又佐恭靖王定策立太宗為世子太宗即位寵遇冠諸功臣世宗元年率上自臨吊祭賜謚忠景初太祖既定壽陵於揚州以近陵一原賜公敬

烈公率葬于是公又繼之公雖為國元臣家居蕭然如布衣語不及時事所與游惟文人釋子當世稱其善居功云

議郎府君事

太宗官未達而卒

太宗謂

太祖

功臣惟南在家謹慎有法以公主歸公子暉後以長子忠簡公勲 贈領議政府事墓于廣州炭谷

直學府君

世宗九年及第清名重一世人以得公

一言之譽比之千金曾孫孝溫記其遺事曰曾祖直學公事母色養事君守正周人之急患人之難嘗以忠義衛入直夕食缺所識內饗吏具殮以進公却之

曰渴不飲盜泉之水其貞介類此墓在通津府東今亡其處

監察府君墓在廣州新日里失其處八代孫龍翼按畿輔時因訟者而得之樹石以識焉其後七十九年戊辰十一世孫有容葬其子公輔于其左麓

進士府君字子容為人孝慈廉直謹於奉先成化己酉選進士燕山時以秋江叔父配鎮川卒仍葬于縣南成志洞後以子孝義貴贈戶曹判書

判尹府君字仲柔正德六年及第燕山時以秋江公從弟久不用禁解歷玉堂通顯仕為都御史抗章論

宗人衮奸邪士論重之年七十與三宰吳謙判中樞
府事元混尚書盧稹成世章鄭宗榮吳祥入耆英社
墓在揚州東海谷子孫世葬焉

通禮府君字祥元嘉靖十九年中宗三十五年以
生負登明經試歷仕清顯壽六十五終

處士府君字施伯少有高行隱居不出人勸之仕不
應獨甚喜山水以漁釣為樂嘉靖丙辰卒壽三十四
世稱東郊處士李文忠公廷龜撰墓表

茂朱府君字善初輕財好施所與游多一時名勝石
洲權輶每稱其急人高義壬辰倭亂選為邢軍門郎

廳從往義州歷知四縣享年六十三以季子銑貴
贈政府贊成李文忠公廷龜撰墓碣

都事府君字鎮之年二十七以外祖慶林公蔭補

昌陵叅奉 萬曆丙午選進士歷知三縣性嗜酒年
五十八而終孫文憲公龍翼撰墓表

仁川府君字益吾性純慤無偽布衣時匹馬行山中
有賊斫入去未遠公下馬視之乃所識也撫屍大哭
解衣飲之走告村中舁致之為狀告縣而後去其好
義如此公外祖副正申公有齊力隣有喪失火申公
冒燭脰柩而出其寡婦幼子身詣公願為奴婢公皆

謝遣之終身不以語人蓋公之氣義有自来云歷知
五縣一郡一府所至清恪有聲去輒見思為仁川以
年至棄歸先正宋文正公浚吉白 上以氣力尚強
吏民信愛 特命還任壽七十五卒後以子龍翼貴
贈政府贊成金文忠公壽恒銘其墓焉

冢宰府君字雲卿

崇禎元年戊辰生年二十一及

第仕

仁祖

孝宗

顯宗

肅宗用文章清德大

顯公卿間由玉堂

賜暇讀書湖堂魁重試提學弘

文藝文兩館尋為大提學階至輔國 肅宗十五年

仁顯后廢群奸用事公謫明川未幾卒壽六十五越

二年 肅宗退群小人 仁顯后復位首復公官爵
遣禮官致祭今 上元年賜謚文憲事具陶庵李先
生緯所撰神道碑

觀察府君字伯珎 肅宗七年選進士尋登文科歷
仕清要在 經筵最久 肅宗甚重之終官嶺南觀
察使年五十二君子惜其用不究以子漢紀秩二品
贈吏曹叅判

先府君字國寶性孝友九年居憂親戚鄉黨咸稱其
善喪無二辭清剴寡偶仕宦一有不合輒引去四典
州府不私毫髮弊衣糲食淡泊如寒士惟左右圖書

怡然忘老焉公制行甚高而不求人知人亦少知者
惟趾齋閔忠文公良庵李文簡公陶山李文貞公陶
庵李先生甚重公其餘縣知公清修可貴而不能名
其德焉後以耆秩判隸院階嘉善大夫壽七十四以
終

先兄 贈修撰府君字吉哉清明孝弟當世推為儒
林第一今 上三年及第以記事官修（肅宗實錄
忤當路謫靈巖尋赦還翌年卒壽三十三事載李文
簡公宜顯撰墓碣

宋氏忠孝錄序

余讀史至漢將軍傅彤父子事壯其人而悲其世幾
於泣下也後漢幾千年而至國朝又得宋將軍父
子事嗚呼何世之相遠而事之相類也蓋訓正公之
死也當倭寇再徧乘輿播遷之時猶彤之死於吳也
洪原公之死也當北虜內猾南城受盟之日猶僉之
死於魏也當是時國耻主辱愾於白帝劒閣然仗閫
鉞握廟筌者蓋多黃權譙周之倫而舍命殉節乃出
於君王不識何狀之人寧不悲哉嗚呼二公雖不遇
世而死乎賴其一死而增綱常之重得與高趙洪尹
并耀百世何其壯也抑余重有感焉訓正公一幕府

小將耳以孤身抗勁賊千騎雖終日苦戰橫屍沙場其誰知者顧公氣益奮戰益力及飛丸貫脇無所施其勇下馬北面而拜以致死不忘君之志苟非忠義根於性而所惡真有甚於生者庸能辦此乎洪原公之日夜腐心者在倭不在虜也然迨其受事邊疆驟當大敵奮躬撓鋒不退一步其臨死之言曰棄賊偷生非吾父志也吾年四十八正吾父死倭之年天其命之矣至今誦其言而求其心倭固公仇也自公父視之虜猶倭也故所在致命焉以成先人之志而已苟非見義之精所志者大惡能及此乎二公於是乎

不愧韎韋之君子矣自二公之死 國家旌褒之典
既隆且備矣今其孫廷岳裏之千里遍謁名公學士
得誌碣傳記之文以表章遺事編為一書名曰忠孝
錄將以登梓垂後而徵余文為序書再三至而其請
愈勤嗚呼二公之風聲毅烈具著於諸公謨述又何
待余言為重獨念節義之不見重於世久矣雖二公
之賢亦安保其不泯於久也凡知慕二公者皆宜大
書特書屢書而不厭也遂書之如此

徐侍郎

命九

五道

教書屏序

丙子

故都御史徐公以通才敏識受知 聖朝在內既歷

數清顯矣間嘗出試于外為國家分憂凡按節者
四而湖南則再焉又莅松都留務前後庸闕之茂著
者昭在人耳目蓋將由是而進筦樞要以大厥施而
公遽棄斯世矣嗚呼惜哉其藩府教書凡五道而
皆當時掌誥之臣以王言代謨者體辭典雅可徵於
後觀乎是則公之承宣保釐之績朝廷倚毗期望
之重可推而知也公既卒而胤子修撰君先公一年
而亡公之後事惟孤孫在耳則取其教書而第次
之聯為短屏又以致祭文一篇繫其末屬余識之嗚
呼余與公友也公之婿余弟也余既喜其端姿雅操

愷悌可親重以姻婭之好情愛之密無間親戚甲戌
春公在湖南營以新刊朱子全書遺余曰吾老矣不
能復讀書公讀此書有得推其餘以及我余復書曰
公何乃少我哉聊與為一譔然公之好學不倦樂與
人為善雖筆札詆調之間可窺其一端而旌節所到
文教蔚興至今為人士所誦慕者蓋亦有所本也歟
余既嘉徐君能嗣其先業顧念疇曩又不勝存沒之
感遂書此以歸之

宜寧南氏族譜序

戊寅

宜寧南氏譜者譜南氏之族也南氏之籍三英陽伯

也宜寧仲也固城李也譜之獨稱宜寧何哉為其子
孫之最大以顯且多賢也成周之制有德有功之世
天子表厥姓氏以聯屬諸族姓者祖宗之所自出也
英毅公之受姓于南是也氏者子孫之所繇分也密
直公之分籍于宜是也自英毅至密直五百年文獻
蓋不乏徵而密直已下迄茲五百年圖牒具存粲然
可攷本支寔繁名顯相承有以德行勲庸焉有以文
章志節焉旂常簡冊世厥聲猷傳所稱宗法與治法
相經緯而不廢者不其信矣乎譜舊有二本而裒輯
不廣記載甚畧迺者諸宗相與謀所以修補者於是

博攷諸家遺籍旁搜遐裔逸乘黜譌存信舉昵及疎
而英固二氏之系亦頗附見蓋其為書歸在精該要
使百世之遠有所攷稽而其叙名哲事行尤致詳焉
外先外裔之有聞人亦必謹書此其義例也正學方
氏有言曰有君子而無祿位族雖衰猶盛也祿位光
榮而君子無聞焉族雖盛猶衰也竊嘗三復有感於
斯言也凡我南氏之見推為巨族也豈直為顯官歟
以其多顯人也吾宗盍相與勗在家孝謹在邦忠信
以求無忝所生而庸言庸行常恐有玷於先訓母曰
姓能貴人而必思以人貴姓則尊祖敬宗之實不外

於斯而人之覽是譜者亦將興起其好德之心思所以飭躬以善其子孫立名以揚其祖考斯譜之用始可以推於世而不止為一家之私也寧不美哉不然猶臨江人之抱遺牒以高人雖其序派之詳收族之勤猶無譜也可不懼歟譜既成宗人屬余為序不揆僭猥謹書卷首如右若乃益山宰泰普氏之始終經紀一誠無懈寔有補於吾宗篤厚之風茲并識之云爾

明書正綱序

譚者謂明無史非無史也無信史也有 明建國將

三百年而史官之法不立世所行編年本末之屬蓋採朝野見聞而雜就之頗失史家典要之體識者病之其他謏乘瑣錄小醇大駁或勢拘於北庭則其氣餒或義激於東林則其辭溢均之未足以盡天下之公近世李氏綱目又自附紫陽義例而紀年止於崇禎弘光以降附見編外下同僭國雖其載事之詳用心之勤大綱不正曷之以為史是書所為作特正其綱焉耳至衆目之分注者悉從諸家芟煩就約黜譌存信以私便考閱而已非有志於傳世也觀者幸毋見罪陪臣太史南有容謹書

東溪集序

東溪集四編詩文共若干篇者延安李公夢與之所作也公之二子廣源述源以余與聞次緝來問序嗚呼余固不足以言詩若公之詩非余言之世之人固不能言也古之作者不志於辭情之出以直而無偽問巷婦孺之所謳吟皆可以薦于王公而聲之管絃陵夷至後世辭勝而情始隱終身誦其言而不得其人故入所謂和愉而可樂者識者以為病者之笑入所謂悽惋而可悲者識者辟之優人之泣此皆強為耳未足以信其內也公自少以其詩鳴裒然首上庠

聲望傾一時顧公泊然若無有也日與其弟尚絅開
戶讀書往往據几微吟相視而笑胸中如有甚自得
者然視其家牆屋幾壓人烟火不續雖家人不知其
所樂何事也公於詩不數數然也為之亦不甚用力
意有所至肆筆直遂至累十篇而不窮然沉鬱之氣
真澹之思隱隱毫墨間春容而作次瀟而止無一語
態色聲臭之累夫良玉在璞不待追琢而精芒已自
動人惟知者鮮耳始吾伯氏太華晉庵李宜叔喜論
當世文章士而至於公未敢輕為抑揚常稱夢與訥
於口不能盡其人讀其詩篇篇一夢與斯可謂知言

也已公既不偶於世嘗從祿仕為三縣為治如為詩
非俗吏所及也蓋其道益高而其窮益甚而公皆推
之有命囂囂以終老非其中有可以自勝者能幾於
斯乎觀是集者求其出詩之本而得之焉則風花雪
月之過乎境者皆不足言也公雅不喜為文然其文
不拘古法信心而成翩翩有曠達之旨余勸其稍事
述作公笑曰我惡夫多言者余悅其言長者也識于
心不忘並書之以為序

晉庵集序

壬午

始余少時從伯氏太華治文詞所與遊多知名士若

故丞相晉庵李公宜叔太學士月谷吳公伯玉皆所
謂傑然者而李公尤通儻好奇節善談笑其言天下
古今事一座皆傾吾數子者燕遊無李公不樂也太
華旣卒而數子者亦落落不得志益自放於山水文
酒而李公跡尤奇一日載妻子入嘉陵山中踰年而
歸其文章益富其言論磊落鴻偉如寶劍埋泉光氣
奕奕在牛斗間也未幾登上第受知明主十餘年
而取公相於是月谷已亡而文集出矣吾二人者亦
皆衰且倦矣每相與言少壯時上下角逐歌呼意氣
之盛而嗟唏感慨於存亡之際至於流涕也今公又

作九原而從氏判書公以其遺文屬余為序嗚呼悲
夫余何忍於斯文亦何言以辭余與公生同年居同
里其始交也以小名而不以字也公少豪縱不羈稍
長折節為古文詞其於詩蓋天得也心靈獨造神韻
自暢其抒情寫事不做雕繪而化陳境為新語清曠
矣不淪於枯寂雋逸矣不流於靡蕩篇成筆落颯颯
有風竹聲人得其一句口相誦以傳近世以詩名家
者衆矣獨擅盛唐風調流聲一代未有如公之蔚然
者也於書未嘗刻意究索而各得其趣及發而為文
踈宕簡潔時或自出機杼恣其遊戲而不失古作家

尺度嘗著論是非前古事凡累千言其言人情時變
辨掇深至置之蘇氏諸論中識者殆不能辨也公之
於斯術可謂盡其能事矣雖然若公者惡可以一文
人蔽之而已哉公以高才偉器早負盛名非靳以一
藝自名者蓋嘗有志於當世其處臺省館閣頗持清
裁以古人自期顧阨於時議其見於施措率不能如
其志及位益崇而主知益隆雖欲歛身而退又不
獲矣家居服食起居不改布衣時往往望遠而思深
不平之鳴屢形於篇什此余所以為公悲之者也嗟
乎功與言之並立於不朽自古以為難豈非命也哉

公之著述中經佚見存箱篋者摠若干篇今刪定
為八編詩凡五百四首文凡一百六十三首失集之
所為作有可以觀其人焉有可以論其世焉如是而
已矣又奚用多為哉

寒松子集序

戊子

凡集之行本乎文章然必其人德行有可以重其言
然後行之遠故曰有德者必有言蓋言無其質文不
能遠行也雖然君子為善不求聞於人故曰衣錦尚
絀惡其文之著也君子蓋未嘗有志於文而世之尚
德者不忍廢其言此寒松子集之所以行也寒松子

吾黨之篤行君子也少事寒水先生其學專於內修
日孳孳如不足孝至於通神明行可以質古人而惟
藏之密故人無得以名焉見其頗事功令則疑其為
科舉見其薄遊蔭路則目之以祿仕殊不知身屈而
道不屈蓋見其君子也及公已歿而鄉黨諸賢列其
行義以聞于朝而表其間又記述其事以美之然
後潛德幽光遂大明於世矣乃者公之從子定鎮裒
輯其所著詩文若干篇問序於余曰文章特吾叔父
餘事耳然舍是無以考其所存幸子之發揮之余受
而讀之其詩溫厚靜介如其為人文亦醇質不用巧

思奇語而務歸於實理讀之盡卷充然如有獲焉余
與公遊自少至老徒知篤志力行之可師也不復問
其文章公亦不肯以一言及之蓋其志之大故不屑
於小操之約故不驚於末余之不問公之不言要之
相知之深而相與之重耳九原可作公必莞爾於吾
言矣定鎮皦然有志守窮經四十年無所慕於外可
謂善學公者余重其請書此以遺之

愛懶子集序


文不徒行必其人之賢有可以貴其言然後行一遠
然或其人賢而無命才志不少見於世獨其言在耳

則仁人君子為之收拾其散落表章其沉鬱使其人不遂泯於無徵秋風三疊尚令人縈歎而愛懶子又何其可悲也余自勝冠時則聞洪公仲經氏用力學善古文負重韋布間願從之遊然公宰相子門館方奕奕也故無一日之素焉亡何而客遊湖左湖上有申明瑞上舍故與公好也為言其已卒具道其平生往往反袂拭目余從以悲幾於涕之流落也後數十年而從公之二子得其所與師友書二三篇而讀之益見其志潔而行端才高而學博廩廩進於古而不已類不以一藝名者嗚呼士患無志耳幸一有之而

天又奪其年何得之之艱而失之之忽也又後十餘年公之文集將行而長子僉正君已歿其季牧使君踵余門而請曰吾伯氏有望於子矣子其序之余於是辭不能力遂書其所感如此集凡二編故友宋士行所刪定而余嘗與聞焉嗟夫斯集也奚以多為哉蓋聞公自始受書即自奮曰古文非空言也誦其言則當行其道遂盡棄其所嗜好而從事于訓典動有則而言有章當世之士莫敢望焉既修於家矣間出而從師友治文辭日有所畜而時出之然後其質直而無邪態色不能累焉者形於詩其修潔奇雋機巧

無所施焉者著於議論沛然若無可禦然其不止於
所欲止者命也夫公之世闕名行故相俞文翼公表
其墓愛懶其自誦云

雷淵集卷之十二





國

水